

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԵՐԵՎԱՆ ՔԱՂԱՔԻ ԱՎԱԳԱՆԻ

«---» ----- 2019թ.

N-----Ա

ՈՐՈՇՈՒՄ

ՀՐԱԶՅԱ ԹԱՄՐԱԶՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ
ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ

Հիմք ընդունելով Հայաստանի Հանրապետության կառավարության **1999** թվականի օգոստոսի **31**-ի N **551** որոշմամբ հաստատված կարգի **2**-րդ կետը՝

Երևան քաղաքի ավագանին որոշում է.

Տալ համաձայնություն բանասիրական գիտությունների դոկտոր, բանաստեղծ և թարգմանիչ Հրաչյա Թամրազյանի հիշատակը հավերժացնող հուշատախտակը Տերյան փողոց հ. **59** հասցեում փակցնելու համար:

ԵՐԵՎԱՆԻ ՔԱՂԱՔԱՊԵՏ

Հ. ՄԱՐՈՒԹՅԱՆ

ՏԵՂԵԿԱՆՔ – ՀԻՄՆԱՎՈՐՈՒՄ

«ՀՐԱՉՅԱ ԹԱՄՐԱԶՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

Հրայա Թամրազյանը ծնվել է **1953թ.** Երևանում: **1971թ.** ավարտել է Երևանի Կրուպսկայայի անվան միջնակարգ դպրոցը, **1976թ.**՝ Երևանի պետական համալսարանի բանասիրական ֆակուլտետը: **1977թ.** աշխատանքի է անցել Երևանի Մ. Մաշտոցի անվան Մատենադարանում՝ նախ որպես ավագ լաբորանտ, ապա՝ կրտսեր ու ավագ գիտաշխատող: **1988-1991թթ.** աշխատել է «Սովետական գրող» հրատարակչությունում՝ որպես գլխավոր խմբագիր, իսկ **1991-1993թթ.** զբաղեցրել է «Նաիրի» հրատարակչության տնօրենի պաշտոնը:

1986թ. եղել է Հայաստանի գրողների միության անդամ: **1993թ.** նշանակվել է ՀՀ կառավարությանն առընթեր Հրատարակչական գործերի վարչության պետ, **1995-1997թթ.** ղեկավարել է ՀՀ տեղեկատվության նախարարությունը: **1997-2007թթ.** համատեղությամբ աշխատել է որպես «Նաիրի» հրատարակչության տնօրեն և Մատենադարանի ավագ գիտաշխատող: **1999թ.** ստացել է բանասիրական գիտությունների դոկտորի գիտական աստիճան: **2007թ.**-ից եղել է Երևանի Մատենադարանի տնօրենը, **2014թ.**-ից՝ Հայաստանի գիտությունների ազգային ակադեմիայի թղթակից անդամ: Հեղինակել է բազմաթիվ մենագրություններ, գիտական հոդվածներ և ուսումնասիրություններ:

Նրա թարգմանությամբ առանձին ժողովածուներով լույս են տեսել Ս.Եսենինի, Վ.Մայակովսկու, Բ.Պաստեռնակի ստեղծագործությունները, «**20-րդ դարակարգի ռուսական բանաստեղծությունը**» ժողովածուն: Գրական-թարգմանչական գործունեության համար արժանացել է մի շարք պետական պարգևների և մրցանակների:

Հրայա Թամրազյանը մահացել է **2016թ.** Երևանում:

Հրայա Թամրազյանի հիշատակը հավերժացնող հուշատախտակը Տեղյան փողոց **հ.59** հասցեում փակցնելու վերաբերյալ միջնորդություն է ներկայացվել Մատենադարանի տնօրեն Վ. Տեր-Ղևոնդյանի կողմից:

Հաշվի առնելով վերոգրյալը և ղեկավարվելով Հայաստանի Հանրապետության կառավարության **1999** թվականի օգոստոսի **31**-ի «Հայաստանի Հանրապետությունում պետական և հասարակական նշանավոր գործիչներին նվիրված հուշարձանների իրականացման կարգը հաստատելու մասին» **N551** որոշմամբ հաստատված կարգի **2-րդ** կետով՝ Երևան քաղաքի ավագանու քննարկմանն է ներկայացվում սույն որոշման նախագիծը:

ԵՐԵՎԱՆԻ ՔԱՂԱՔԱՊԵՏ

Հ. ՄԱՐՈՒԹՅԱՆ

ՏԵՂԵԿԱՆՔ

«ՀՐԱՉՅԱ ԹԱՄՐԱԶՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՍԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ԿԱՍ ԲԱՑԱԿԱՑՈՒԹՅԱՆ ՄԱՍԻՆ

«Հրաչյա Թամրազյանի հիշատակը հավերժացնող հուշատախտակի տեղադրման մասին» Երևան քաղաքի ավագանու որոշման նախագծի ընդունման առնչությամբ այլ իրավական ակտերի ընդունման անհրաժեշտություն չի առաջանում:

ՏԵՂԵԿԱՆՔ

«ՀՐԱՉՅԱ ԹԱՄՐԱԶՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՍԲ ԵՐԵՎԱՆԻ ԲՑՈՒՋԵՒ ԵԿԱՍՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ

«Հրաչյա Թամրազյանի հիշատակը հավերժացնող հուշատախտակի տեղադրման մասին» Երևան քաղաքի ավագանու որոշման նախագծի ընդունման կապակցությամբ Երևանի բյուջեի եկամուտներում և ծախսերում փոփոխություններ չեն սպասվում:

ԵՐԵՎԱՆԻ ՔԱՂԱՔԱՊԵՏ

Հ. ՄԱՐՈՒԹՅԱՆ